

樊城志略

蓋聞岷山雲鎖空傳羊叔之碑代朔草枯誰識令公之墓所以陵遷谷

變古人興代謝之悲阡斷阡荒后世有依稀之感也然過九原而思隨會百
年之邱墓依然登二陵而弔夏皋千載之松楸如昨誠以年眠卜吉馬鬣高
封豎之碑碣不至消磨于蔓草荒烟劇以棗梨為有剝蝕于風霜兵燹耳我
始祖清溪公相傳以來子姓蕃衍故居處不一其地窰窰不一其山華屋山
邱不知凡几燐熒鬼火無任淒然年年麥飯魂招楊柳之風樹樹紙錢淚洒
杏花之雨茲修家乘意欲將一脉墳塋俱繪成圖聯為一卷用伸追慕而便
稽查奈為費用所限时日所拘墳墓寫遠所阻以致成圖者不過十之一二
凡墳有碑誌者俱附載圖后至未為圖者亦必于本名世禮祀內詳其某山
某向庶莪莪邱塋無須問翁仲于斜陽岌岌斧堂定見來子孫于墓下披圖
細閱職如聞啼隴樹之鵲按譜稽親恍見集墓門之烏民國二十年辛未歲
仲冬月中旬毓嵐謹錄

莖

域

誌

略

塋域誌略

周官家人掌公墓之地辨其兆域而为之图以爵等为邱封之度正墓

位蹕墓域守墓禁又墓大夫掌邦墓之地域为之图令国民族葬使皆有私地域墓之有有图其来远矣我族墓兆大抵环所居前后左右无有逾数百里外者虽未尽符族葬之制然塋域之广狭有限左右之昭穆有序封樹之樵苏有禁则各房胥然且公墓必有祀田尤以见祖宗培植邱塋之意深且远也惟自明以前上溯迄宋世太远兆域多佚族众不无隐憾令卽其墓之存者墓绘山形为图并略附说于其后其祀产糧册亦附志之至各房墓域或以族葬而叠塚累累或以遥远而封域系隔不可以无志凡以图说来者各为之祀焉呜乎伏波聚米张华书地一展阅间而邱塋如在仁人孝子不油然而慕而生敬也乎